

ausgangen / darnach im Colloquio zu
Marpurg / Anno 1529. im anfang
des Weinmonats / durch freundliche
vergleichung gleichsam sincken lassen.

Dies ist abermal ein beschwerlicher han-
del/ so es sich also verhelt/wie vorgegebē wird.
Es beruhet aber auch dieser Beweiss auff lo-
sem Triebstand / vnd kan nicht mit einigen
glaubwirdigen documentis dargethan/vnd
erwiesen werden. Denn ob wol aussen am
rand Sleidanus / vnd zwar desselben sechste
Buch/zum Zeugen angegeben wird/ So be-
findet sich doch in demselben durchaus das
widerspiel. Denn ein mehrers bezeuget Slei-
danus nicht/ als das/ weil in etlichen fürne-
men Artickeln zwischen D. Luthern vnd dem
Zwingel vergleichung getroffen worden/bei-
de theil hinsüro sich des widerwertige schrei-
bens enthalten/ vnd Gott bitten wollen/ das
er auch in dem noch vbrigten Streit vom
Nachtmal / die Herzen erleuchten/ vnd zur
Concordi vnd Einigkeit/gute mittel vnd we-
ge an die hände schicken wolle. So viel Slei-
danus. Aus dessen worten ja kein versten-
diger in alle ewigkeit dasjenige pressen vnd
erzwingen wird / was Gegentheil inferiret/

E iiiij Nem-